

# ZEMNIKA ZINAS

Latgolas zemnīku avize.

Abonesonas moksa: Ar pisytišonu par 1 godu  
Ls 2,80 (140 rb.), par 6 mēn. Ls 1,40 (70 rb.), par  
3 mēn. Ls 0,72 (36 rb.)  
Numurs moksoj 6 sant. (3 rub.)

Redakcijas adr.: Reigā, Ločplēša ielā 35, dz.30.  
Takūš rēk. postā № 1153.

Slud. moksa: par vinsl. pētīta rindīnu: pīrmā lo-  
pas pusē Ls. 1.—, tekstā Ls 0,75, sludynojumu  
daļa Ls 0,25 pīskaitāt 50% sludynojumu nūdūkl.

№ 4.

Caturtdin, 16. februari 1928. g.

3. gods.

Nr. 1

## Zemnīki—oroji! Jyusu liste ir № 1.

Latgolas Demokratisko Zemnīku Apvīnība  
aprīņķu pašvaldību vēlēšonos  
vysūs Latgolas aprīņķūs uzstodija kandidatu sarokstu

Nr. 1

## Par kuru numuru bolsot?

Tikai par tū, kurs teišam aizstov vysas lauku idzeivotoju vajadzibas!

Orojim pīdar pyrmo vīta, todeļ myusu sarokstam ir № 1.

Vysi apzinīgi vālātoji jems krosainū listi № 1 un ar tū īs uz bolsošonom. Kad tai byus izdarīts, tad vari byut drūss, ka esi nūbolsojis pareizi.

### Kū mes prosam?

Myusu programma ir eisa un skaidra. — Latgolas Demokratisko Zemnīku Apvīnība ir vysu zemes oruju apvīnība. Tej vyslobok zyna vysas zemnīku prasības. Todeļ mes aizstovam vysas lauku idzeivotoju vajadzibas. Todeļ mes naatlaidīgi karojam un karosim pret pīlsētniku kungu dzeivi uz zemnīku rēkina. Todeļ mes prosam, lai zemnīks pats sajam sova dorba auglus.

Myusu ivālāti porstovi nakavējusi un vyspyrmā kārtā prasīs:

- Izvest vysu lauku idzeivotoju orstēšonu ar valsts paleidzību, kai tys jau dūts pīlsētnikim. Taidā kārtā ari nabadzīgim idzeivotojim byutu nūdrūšinota medicīnisko paleidzība.
- Atsvabynot idzeivotojus nu golvas nūdūkļa un samozynot nūdūkli nu zemes, bet palelynot uz akcīzem. Sadalit nūdūkļus taisnīgi.
- Vysaidim leidzēklim paceļt lauku saimnīcību īnesigumu. Paotrinot sādžu sadališonu. Paleidzēt jaun-saimnīkim pi moju ceļšanas un zemes kultīvēšanas. Bezzemnīkim dūt īspēju tikt pi sovas saimnīcības.
- Nūvērst nakortības mežu lītos, kārs it vysu sarokstu priķsgolā.

### Vysi pi vēlēšonu urnom!

Todel, lai leits voi snigs, bet 25. un 26. februari — vysi pi vēlēšonu urnom!

Kas tīmos dnos paliks mojos, tys byus paleidzējis zemnīku pretinīkam sagrobt pašvaldības sovos rūkos. Todel ejit pāsi un vedit cytus uz vēlēšonom!

### Kai joholsoj?

Jemīt krosainū listi № 1 (ar zemnīku kandidatim uz aprīņķu pašvaldību), pilicīt tai klot boltū zemnīku kandidatu listi (ar pogosta pašvaldībā, kandidatim), ilicit obejas listes vīnā kuvērā un nūbolsojīt!

Narokstīt krosaina li-

stē cytus kandidatus! Irokstīt svešu kandidatu, reizē ar tū atdūdat pretinīka listei 1/4 bosa, voi ar 4 irakstījumim — vysu vīnu bosa. Vyslobok nūdūdit nagrūzitas listes, cytādi bōss var byut nadarīgs.

Nauzicīt listu grūzišonu svešo-

kim cīlvākim!

### Par kurom listem nav jobolsoj?

Vysūs aprīņķus ir uzstodits 2—4 reizes vairok sarokstu, nakai ivālamā lūceklu skaits. Pīm., Jaunlatgolas aprīņķi uzstoditi 16 saroksti ar 51 kandidatu, bet joīlej tikai 4 lūceklī. 47 kandidatim byus jokreit cauri. Ivēlēt 1—2 lūceklus var cerēt tikai lelos partijas. Mozī saroksti bez plašo atbols.

sta ir padūti drūsai caurkrisšonai Par tim bolsot, — nūzeimoj laist bōsu zudumā, kas noks par lobu tikai pretinīkiem.

Jo sovu bōsu nūdūsit par № 1, tad varit byut drūši, ka byus pareizi bōsots.

### Vaicojums ogrokajim № 3, un № 4. bōsotojim.

Ogrokos vēlēšonos vysaidu sortu socialisti un jūs uzticīgi leidzskrējēji sūlejos byut par aizstovim nābadzīgajim idzeivotojim. Vysu pagojūšu godu Latvijā valdīja № 3. un № 4. ivālātūs deputatu valdība. Šej vāldība daudz daļija, bet tikai na lauku, bet gon bogotūs pīlsētniku lobā. — Izdevia symtus miljonu rubļu lelpilsātu teatrim, muzykom, danču momjom, artistu braucīnīm pa orzemem, sabēria 50 miļ. rubļu lelpilsātu bezdarbīnikim, 130 miļ. rub. iškinčoja 14. mēneša dovonom, symtus miļ. rub. devia pīlsētniku slymū kāsem un t. t.

Pasokit nyu, № 3. un № 4. bōsotojī, kur palyka vysi dzērdāti lobumi? Jyusu ivālātū sorkonajs deputats Būmeisters nūpērka Reigā moju, Rainis vyzynojās pa orzemem, bet

Bruno Kalniņš raunās pa Reigu ar „sisiņu“ bataljonim. Te nu beja jyusu valātī draugī!..

Pasokit nyu, cīmu bobuli un mīstu nabogi, kuri tīcējat № 3. un № 4., voi jums ir kot par kapeiku lobuma nu tim socialistu — progresistu teatram, artistim, „sisiņu“, bezdarbīniku pabolīstīm, iredīnu „nagradnajom“, slymū kasu miljonim un t. t.? — Nē, nu vysa to jyus sajēmiat tikai — pigi! Todel naļaunit vel reizi sevi apmonit un apsmīt!

Vysi nūdūdit sovu bōsu par listi № 1. Myusu kandidati ryupejās par vysim lauku idzeivotojim. Myusu nabogu bādas ir myusu vysu bādas. Todel drūši uzticīt sovam № 1.

Nivina bōsa par pīlsētniku socialistu — progresistu sarokstīm!

### Myusu kandidati uz aprīņķu pašvaldībom.

#### Rēzeknes aprīņķi — № 1.

Uz aprīņķa valdi.

1. **Vinca Barkāns.** — Ikšlītu vicemīnistrs Latgolas lītos. Beidzis Terbatas universitates medicinas fakultati. Beja vācīkās kārī orsts. Beja ilggadīgs Ludzas apr. školu valdes priķsādātojs. Leidzīnejais Rēzeknes apr. valdes priķsādātojs. Vairoku Latgolas saimnīcisku un kulturalu bīdrību leidzībynotojs un vadītājs. Jau nu senejim laikā jēmia dzīvi dalību latgalīsu sabīdrīkā dorbā. Latg. Dem. Zemnīku Apvīnības Centralkomitejas priķsādātoja bīdris. Popūjars un plāsi īcīnīts.

mes īreicības komitejos. Sakstgalīts. Zemnīkim izpaleidzīgs.

4. **Meikuls Apejs.** — Rēzeknes apr. školu valdes lūceklis. Školotojs. Pogosta padūmes lūceklīs. Latg. Skol. Savīnības valdes lūceklis. Kooperators un plaši pazeistams sabīdrīks darbiniks. Rakstnīks un dzejnīks. Lūti darbīgs. Taisnīgs un zemnīkim izpaleidzīgs. Popūlārs kūturas darbiniks. Sevišķi īcīnīts sovā dzīmtenē — Rāznas apkortnē.

Uz revīzijas komisiju.

1. **Eduards Mazurs.** — Rēzeknes apr. pašvaldības inženiers. Ilgu godus strodojis dažādūs uzjāmumūs. Taisnīgs un strīdīgs. Vilonīts.

2. **Jonīs Korsaks.** — Ilggadīgs pašvaldību un saimnīcisku istožu darbiniks. Zemnīka dāls.

3. **Leons Šķīnīs.** — Pašvaldību darbiniks. Rāznas pog. padūmes lūceklis. Školotojs. Daudz strodojis kooperacijas laukā.

Daugavpīls aprīņķi — № 1.

Uz aprīņķa valdi.

1. **Aloīzs Budže.** — Strodojis vairoko valsts, pašvaldību un sabīdrīkos

istodēs. Latgolas pogostu apdrūšinošas S-bas valdes lūceklis, beja Kroslovas pogosta padūmes lūceklis, školotojs, vairoku sabidrīku istožu leidzdybynotojs. Aktīvs zemniku organizētojs. Bejušais vērsnīks. Atbreivošanas ceļu dalibniks, ceļos vairokkort īvainots. Ir taisnīgs, nadzarojs, zemnikim izpaleidzigs. Leivonis.

2. Aloīs Bojars — bejušais Dau-gavpils apriņķa valdes prikssādātojs, kuru atlaidia nu omota bezportfeļa ministrs Jurs Pabērzs uz sova broļa Sebastijana "donosa" pamata, lai īcaltu tymā vītā Sebastjanu Pabēri. Vacs sabidrīks darbiniks. Vairoku školu un bidribu dybynōtojs. Bejušais vērsnīks, tad mīrtisaes un školotojs. Ilgus godus strodojis valsts, pašvaldības un sabidrīkos istodēs. Ir taisnīgs, gūdīgs, nadzarojs. Josmuīžas pog. zemniks.

3. Donots Āncāns — školotojs, Leivonu pog. padūmes prikssādātojs, plaši īcīnīts sabidrīks darbiniks. Gūdīgs, taisnīgs, nadzarojs, kodel īgyvis zemnikūs lelu uzticību.

4. Boleslavs Koklačs — Preiļu lauk-saimniecības školas školotojs. Spējīgs, energisks un popujarssabidrīks darbiniks. Ar vasalu rindu darīgu prikšlasiju agronomijā plašā apkortnē veicinoj zemniku labklojības paceļsonu.

Uz revizijas komisiju.

1. Boleslavs Rudāns. — Strodojis kai školotojs un kai pašvaldību un valsts istožu darbiniks. Daudz strodojis deļ zemniku apgaismošanas un labklojības paceļsonas. Kolupīts.

2. Boleslavs Valainis. — Školotojs un sabidrīks darbiniks. Taisnīgs un gūdīgs, todeļ pi zemnikim cīnīts. Aglyu nīts.

3. Jezups Koleda — Spējīgs un gūdīgs sabidrīks un pašvaldību darbiniks. Pi zemnikim ļūti īcīnīts.

### Ludzas apriņķī — № 1.

Uz aprīņķa valdi.

1. Soikāns Jezups, Ciblas pog. zemnika dāls, dzimis 1889. g. Beidzis vydškolu un Viļnas kara školu. Ludzas apriņķa valdes lūceklis, kur treju godu laikā vadīja školu un techniskū nūdaļas, daudz veikdam apriņķa školu nūorganizēšonā. 1925. g. apstypyprynots par Ludzas apriņķa priķšķiku. Navarādams pacīst latgalīsu iedru terroru un vojošonu, kaidu izvedia Latgolā "progresisti", 1927. g. septembra mēnesi J. Soikāns 'beja spīsts nu apriņķa pr-kā omota aizīt un porgoja uz dinesti Latgolas pogosta savinībā. J. Soikāns pazeistams Latgolas sabidrīks un kultūrals darbiniks; vairoku bīdrību dybynōtojs un vadītojs, storp kurom rādzamoku vītu ījem Ludzas Latgalīsu Kulturas Veicinošanas b-ba. Bez tam J. Soikāns sarakstīja gromotas "Se nejo Latgola" un "Kū mums stosta senču kōpi". Cyblas pog. padūmes lūceklis. Ir spējīgs, nadzarojs un gūdīgs tautas darbiniks.

2. Augustāns Stanislav. — Šķaunes pog. Timanovas zemnika dāls, dzimis 1892. g. Sabidrīks darbiniks jau nu priķšķara laikā jēmja dzeivu dalību Piterpils kultūralos organizacijos un pi latgalīsu avizes "Jaunos Ziņas" izdūšanas. Latvija nu 1921. g., strodoj vītejos pašvaldībos, vālātūs omotūs, kai pogosta padūmes lūceklis un pādejūs 3 godūs ari Ludzas apriņķa valde kai lūceklis, školu

valdes prikssādātojs un techniskos nūdaļas vadītojs. Mynātūs omotūs ar sovu pinokumu apzinigu un kortīgu piļšonu, dorba milestību un naatslobstī energiju ir daudz kū panocis apriņķa un pogostu pašvaldību lobā. Kai ari vysu sovu breivu laiku zīdoj, strododams kultūralos un saimniecībos organizacijos. Ir centīgs, gūdīgs un nadzarojs.

3. Poikāns Tadeušs, Korsovas pog. Kolnu c. zemnika dāls, dz. 1898. g. Bejušais Korsovas pog. valdes prikssādātojs, tagad padūmes lūceklis. Korsovas Kroj-Aizdavu s-bas prikssādātojs. Korsovas Latgalīsu Kulturas Veicinošanas b-bas prikssādātojs. Pazeistams kai gūdīgs un centīgs sabidrīks un kultūrals darbiniks.

4. Plaučs Stanislav. — Mērdzīnes pog. Nuraugu c. zemnika dāls, dz. 1896. g. Bejušais Mērdzīnes pogosta valdes prikssādātojs. Vyspori pazeistams un ļūti īcīnīts pašvaldībā un sabidrīks, gūdīgs un strodīgs darbiniks.

Uz revizijas komisiju

1. Rudovičs Jonis. — Mērdzīnes pog. Dzērvu c. dz. 1898. g., zemnika dāls. Nu 1918. g. strodoj kai školotojs, tagadejajs Zvērgzīnes 6. kl. pamātskolas porzinis un Mērdzīnes pog. revizijas komisijas prikssādātojs. Bejušais Ludzas apr. Slys mūs kases prikssādātojs un školu valdes lūceklis. Vairoku saimniecīku, kultūralu organizāciju dybynōtojs un vadītojs.

2. Cabujs Julijans. — Nerzas pog. Choroševas c. zemnika dāls, dz. 1896. g. sabidrīks darbiniks. Latvija nu 1921. g. vysu laiku sastoeja valsts dinestā, kur sovus pinokumus piļdīja apzinigi un kortīgi; centīgs un gūdīgs darbiniks.

3. Login-Bernickis Vladimirs. — Pyldas pog. Filandmuīžas m. zemnika dāls. Latvija vysu laiku strodoj kai školotojs, tagad Filandmuīžas 4. kl. školas porzinis. Sabidrīks darbiniks. Vairoku saimniecīku un kultūralu organizāciju vadītojs.

Jaunlatgolas apr. — № 1.

Uz aprīņķa valdi.

1. Francis Malnačs, zemnika dāls, 33. g. vacs, tagadejajs Jaunlatgolas apriņķa valdes prikssādātojs.

Sabidrīks darbiniks. Kai vērsnīks pisādalīja Latvijas atbreivošanas cīpos. Dinādams valsts un pašvaldības istodēs arīn ir vadējīs nu lītdarības un īgyvis nadolamu pikrisistor zemnikim.

2. Izadors Bukšs, zemniķis, 47. g. vacs, vairokkort īvālāts par apriņķa valdes lūceklī, — apzinīgs, nūteikts un energisks darbiniks. Tagadejajs školu valdes prikssādātojs.

3. Odums Prideslaipa, zemniķis, 41. g. vacs, tagadejajs Bolvju pogosta padūmes lūceklis un ļūti popuļars storp vītejim zemnikim.

4. Jonis Slyšāns, zemnika dāls, 28. g. vacs, strodoj kai školotojs Viļakas pogostā un īcīnīts storp īdzeivotojim.

Uz revizijas komisiju.

1. Jonis Kivleniks, Viļakas pogosta zemniķis 29. g. vacs, jam dzeivu dalību sabidrīskā dorbā.

2. Jezups Slyšāns, zemniķis, 29. g. vacs, tagadejajs Bāltinovas pogosta valdes prikssādātojs.

3. Ontons Ostrovskis, zemnika dāls, 30. g. vacs, Jaunlatgolas ambulatorijas punkta feldšers.

### Naatdūsim sovas pašvaldības bolsu zvejotajim!

Pēc nedēļas, 25. un 26. februāri, nūtiks caur pogostu un apriņķu pašvaldību vēlēšanas. Šīmos dinos mums, zemniķi, byus joīvēl uz trejim godim pogostu un apriņķu saimniķi — pogostu padūmes un apriņķu valdes. Jo pogostu padūmēs un apriņķu valdes tiks īvālāti eisti zemniku priķštovi, kuri ryupēs tikai par zemniķu prasībom, tad šī saimniķi byus par eistem zemniķu aizstovim, un mēs, zemniķi — vālātoji, varēsim cerēt uz spūžoku nokūtni.

Mums nav joaizmērst, ka na kas cīts ryupēs par myusu prasībom, bet gōn vīnīgi mes paši varēsim lobot sovu gryutū dzeivi. Tamēd mums šīmā vēlēšonu ceļā ir joīt vīnotim un 25. un 26. februāri joblojīs tikai par kandidatu sarokstu № 1. — myusu Latgolas Demokratiskos Zemniķu Apvīnības, — kura ir sprauduse sev par vīnīgu mērķi zemniķu apvīnōšonu, jo tikai vīnotim spākīm var panokt zemniķu labklojību.

Laiks zemniķim saprast, ka vīnībā ir spāks! Laiks atmest personīsgū streidus un kūpā it uz zemniķu

pilsētnikim, kuras vajstei izmoksoj ap 800 miljonu rubļu un t.t.

Zemniķi! Jo myusu pašvaldībos sēdes socialisti, „progresisti“ un cyti personīgos laimes maklātoji, tad nāpanasami smogo nūdūkļu nosta paliks vel smogoka. Tūreiz nabadzība nūspiss galīgi myusu dzeivi.

Nūst „progresistus“ un socialistus, kuri aizstov tīkai iedru (činoniku), pijsētniku prasības! Nūst kungus, kuri školda zemniķus, lai vādītu par vinīm!

— E M I N K I ! Napasādūsim vairs myusu šķādītojim, kuri, tykuši

ar myusu bolsim pi vara, izlitoj ar svīdrim pelnitus myusu latus tikai iedru vajadzībom, teatrim, un dančū mojom. Jo mes vīnotos rindos dūsimēs pi urnom unīvēlēsim priķštovus nu kandidatu saroksta № 1, tad itu-rūt vysu lelokū taupību, samozyno sim nūdūkļu nosta un vysus šūs leidzēkļus, kuri leidz šām tik nalitdarigi izlītoti, pyrmā kortā izlītosim zemniķu vajadzībom, kai ari varēsim izvest dzeivē vysas cytas napīcišamos zemniķu prasības.

A. Budže.

### Aizdavumu procentes pazamynotas.

Alberinga zemniķu valdības laikā aizdavumu procentes samozynoja nu 15% uz 12%. Bet ari 12% aizdavums deļ laukaimniekiem ir porok dorgs, jo teirumūs Iguldītājs kapitals apsagrūza reizi godā, kur pretīm tērīdzīcībā voi ryupnīcībā kapitals apsagrūza pat, nādaudzos nedelos. Tu-jamūt vārā, pagojušā nedelā aizda-

vumu procents tyka veļ pazamynots Turpmok kroj — aizdavu kāses par Latvijas bankas aizdavumim dreikstēs ķemt na vairok par 8% godā. Tai tad, procentes pazamynotas par vasalu 1/3, saleidznojūt ar leidzīnejom. Paradzams, ka procentu pazamynojums stosis spākā ar š. g. 1. aprili.

### Latgolā 40.000 zemniķu izslāgti nu aizdavumu sajamšonas zemes pērkšonai.

Rēzeknē 5. februāri nūtyka Vaļsts Zemes bankas Rēzeknes nūdaļas īsvētišona. Sakarā ar nūdaļas īsvētišonu Vaļsts zemes bankas padūme ar padūmes prikssādātoju bej. fin. min. Bastjāni un valdes prikssādātoju H. Dzelzīti priķšgola nūtureja plašu apsprīdi ar Latgolas darbinikim, kurā pīsadalīja ap 60 personu. Tyka plaši ziņots par bankas darbību un tolokīm bankas nūdūmim. Nu Latgolas dārbīnu puses tyka izteikts gondarijums par nūdaļas atvēršonu Rēzeknē, ar kuras atklošonu zemes bankas krediti palyka pīejamoki Latgolas zemniķim. Nūsaskaidroja, ka zemes banka leidz šām ir izsnāguse 111 miljoņu latu. Bet nu tim Latgola sajamša tikai 14 miljonu latu. Golvonī šķēršli Latgolas aizdavumim ir nanūkortotas zemes lietas. Latgolas priķštovu vordā V. Ru-

būls nūrodija, ka 40.000 sādžu šūnu zemes īpašnīki ar 300.000 ha zemes ir izslāgti nu kreditu izmontošanas zemes pērkšonai nu sovīm kaimiņiem, topēc ka viņu sādžas nav sadalitas vīnātās un zeme nav koroborēta. Sādžu sadalīšona un koroborēšona var turpnoti ilgokus godus. Topēc vajadzīgs, lai šūnu zemiņu īpašnīki, varātu sajēmt aizdavumus, pyrms viņu zemes koroborēšonas, kai tīs ir jauns aīmni. Rakstīki īsnāgtos tezēs V. Rubuļs pīprasīja nokt pretīm zemniķim šīmā jaustojumā. Bez tam V. Rubuļs lyka pīšķā zemes bankas aizdavumim pazamynot procentes tik toli, ka valsts nadzeitu sev šeit nikaidu pēļu, jo zemes bankas kapitali ir sakroti nu zemniķu nūdūklīm.

### 50 latu uz kotru līnu berkovi.

Valdība par līnim, kuri nūdūti sociūt ar 1. aprili, izmoksos uz jauno lykuma pamata par līnu premijom nu pogojušā godā sakrotos pēļpas 50 latu uz kotru berkovi. Izmoksas

nūtiks caur pogostu valdem pret līnu nūdūšonas kvitem (čekim). Zemniķi, napazaudejīt līnu nūdūšonas čekus, bet ryupīgi viņus uzglobojīt.

### 75 miljoni rubļu zemniķu orstēšonai.

Budžeta komisija pīkrita atvēlēt šīmā godā zemniķu orstēšonai valsts budžetā 75 miljoni rubļu. Šej nau da tīks izlītīta šūgod orstu punktu pīstījumi, kuri orsti

gryuti sasnādzami un deļ orstēšonas mokas atlaisšonas. Lykums par zemniķu orstēšonu tīks izdūts, cik paradzams, veļ leidz šo godu 1. aprīlam.

### Palelynoti krediti zemes īreicībai.

Socialisti — progresisti valdība pādejēs sovas valdīšanas dinos nūstreipoja Latgolas zemes īreicības vīnos kandidatu posteni, caur kū apdraudeja vysu Latgolas zemes īreicības gaitū.

Budžeta komisijā uz tagadejos koalīcijas deputatu uzstāšonūs šīs poste-nis ir ratjaunots. Taipat ir pavairots mērniķi — revidētu skaits.

### Rēzeknes komercškolai ceļs jaunu moju.

Saeimas budžeta komisija atvēlēt latgolas apriņķa vydškola jocēl Viļa-leja 5 mil. rub. mojas byuves īsok-šonai Rēzeknes komercškolas vajadzībom. Taipat atvalāti 5 mil. rub. vydškolas celšonai Jaunlatgolas apriņķi. Ministru kabinets izšķērs, voi Jaun-

latgolas apriņķa vydškola jocēl Viļa-leja voi Jaunlatgola.

Si priķšlykumi pījēmi komisijā ar pīsōnu bolsim uz dep. A. Pastora priķšlykumu.

### Nuroka—Maizeļa—Kalistratova—Bastjāna—Trasuna valdības līnu „operaciju“ skandals.

— Līnu pordūšonas līta nu bej. fi-nansu min. Bastjāna it plašumā un izavērš par skandalu. Nūdarītājs caur šū „operaciju“ zaudējums sasnādz 200 miljonu rubļu. Pordūtas 9000 tonnas līnu, nu kurom 7000 tonnu pordūtas pat bez valsts kontroles priķššonas. Pordūtās līnu daudzums sastoda 1/3 nu vysas Latvijas līnu ražas. Nūpērktais nu valsts līnu

firms tagad pordūd par 110—115 mārcīpas tonnā, tādā kārtā uz zemniķu rēkina peļnejūt caurmārā 20 mārcīpu (ap 28.000 rubļu) par tonnu! Šeit klot ari vīns mozs „seikums“. Skandalozā līnu pordūšonā naasūt izpalicis ari pats kreisos koalīcijas „tāvs“, židu rabyns Nuroks, kurs



✓ V. Kravals.

**Jau tyvojās pavasars.**

Jau tyvojās pavasars.

Klau, yudiņs kai šķakst...

Lau mījīgū rūku

Man pispist pi sirds!

Un drabūsi viņu

Es skupstu, es skupstu...

Jau zyli top meži,

Plyust burvīgas vāsmas.

Gaiss vīļojās klusi,

Un burvīgs vējs šolc.

Tev vaigi tveikst lismos,

Sirds otroki syt...

Seikajs feļjetons.

**Pateicība.**

Viņa keizarskos majestates Strīču Joseja apkortroks „PTA“ — „Posta — Telegra-fa Apvinibas“ agitatorim.

Ar šom rindīgom izsoku jums, „strauminiku“ kungi, sovu izjustū pateicību par Myusu personības nūskaidrošanas mēģinojumu. Bet tū jums vajadzēja izdarīt jau pyrms ūdu tīcības pījēšanas un istyprinošanas ar casnāga seksti. Brei-nums, ka jyus pījēmīat i tīcību i augstus omotus, nimoz napazeidami sova maizes tāva!

Pisalabynošanas nūlyukā jyus asat gribējuši īcēl Myusus par ikšķītu ministra bideri, kurā posteni gon patīsbā asam īcalti na Mes, bet gon V. Barkāna kgs. Opolajs pādīs par šū augstū posteni! Bet nāaizmerstīt, ka Mes asam ūdeids un prūtam prasīt vairok, nakai jyus, „Strauminiķu“ kungi, sokuņā sūlejat. Jāmēlē viceministra posteni atrūnam par nicigu un gaidam, kad jyus svinīgi izsludynosit Myusus par ministru voi valstības prezidentu. Tikai tad Mes pīsutīsim jyusu līderam sovu bordainu fotografiju ar pašrūcīgu parokstu un ļausīm jums apbrei-not Myusu peisakus un pašu nu kojom leidz golvai. Leidz tam laikam varit ari nasapulēt, jo panokumu nabyus.

Kai leidz šām, tai ari turpmok ar-vinu byusim jyusu sorgējēla vitā. Un jau šubredī gluži skaidri zynām, kai jyus kotrū jaungodū isocat ar „īmessōnu“ „Latvišu biderībā“, kai meklejat naktstaurīpus pa Reigas krūdzinim, cik strucišu izdzyr-dat studentim Reigā, kai dūmojat ar „šar-

Maņ dryumajā sirdi  
Top gaiši, tik mili.  
Jau tyvojās pavasars,  
Klau, yudiņs kai šķakst...

V. Kravals.

M. Apeļa. **Zimas nūskāņa.**  
Apkort tylsma. Vēja aures.  
Sniga deja. Zimas raudas.  
Naktis stygums. Vātras taures...  
Kur ir klusums, gaismas dvāsma,  
Saules kvāla, dailes mīrda,  
Laimes gunigkvālo vāsma?

M. Apels.

Kad vīns, ūtrs nu klotasūsim zem-nīkim vaicoja nu Sylanžas paskaidrot, par kū progresīvi cilvāki Priednieks ar Bri-cu ir nūvadusi pi sabrukuma vītejū kro-aizdavu kasu un igryuduši nālīmē vai-rokus symtus navainigu zemničiū, tad Sylanžas izalyka par nadzērdātoju un naat-biļēja niko, bet tik klidzī sovu myu-zīgu dzīsmu par reakcījas brismom.

Nu, myusus, vīlānišus, gon jums progresīvi ūmaucēji, naizadūs apmonit. Porok labi mes pazeistam jyusu Pried-niekus, Ertus, Rubuļus, Bricus un Van-sovičus.

Pādīs par tim!

Citušais zemniķs A. L.

**Latgolas teatra izrode Viljānūs**

Svātdin 12. februāri Viljānū guns-dēsēju biderības zālē beja vokors ar teatra izrodi. Izrodija Latgolas teatra akteri pazeistamū lugu „Carja kristamote“. Daži akteri spēleja īuti labi, pīmāram Vorslavāns un Emsipš. Naizdevīga laika de-l un ari caur nazynošonu ūreiz publikas beja pamoz. Bytu vālams, ka Latgolas Teatra vadība bižok sareikotu šaidas izrodes pa myusu dzimtines attolokim stu-dēm.

**Nūsysts pli meža dorbiem.**

Daugavpils apr. zoģejūt mežā kūku, nūlyza lels zors un nūsysta F. Rubanu, dzeivoj. Preiļu mīstā. Rubans miris.

**Orzemes.****Lels vulkana izvardums.**

Batavijā vulkans Krakatau socis dor-botis un nūdora apkortnei lelu pūstu. Vulkan galeigi iznycenoj apkortni — mozu salepu, kai ari apdraud lelos Javas un Sumatras solas. Idzeivotoji ir īuti uztraukti.

**Krīvīja huliganus sūda ar novi.**

Bakū pīsprīsts 3 nalobojamim huli-ganim noves sūds, kurs izpīdīts.

**Beistami nūzīdzniķi par „bazneickun-gim“.**

Pūlijas golvas pīsātā Varšavā policija apcītynoja kaidu Viļčinskū, kurs sevi uzdevia par „bazneickungu“. Bet izaro-dija, ka V. un veļ divi „baznīckungi“ ir sep meklejami nūzīdzniķi un aferisti. Pi

vysu treju nūzīdzniķu atrosti ūrūci un vyjtoti dokumenti.

**Daugavpili.**

Saeima pīškeiria 16 mīstīm pīsātu tīseibas, tū storpā ari nokušim Latgolas mīstīm: Preiļu, Varakļonu, Bolvu, Kor-sovas un Viljānu. Dūmniku skaits jaunos pīsātos nūteikts uz 17.

**Zyrgu skrišonos laukums****Daugavpili.**

Latgolas lauksaimnīku savineiba nū-lēmia ireikot Daugavpili (bet na Rēzeknē, kai dūmoja ogrok) zyrgu skrišonos laukumā. Viņa ireikošona izmoksos apm. 8—10 milj. rubļu, kurus lyugs nu val-deibas. Zemi 10 ha apmārā Latg. lauk-saimnīkā sav. cer dabot nu pīsātas.

**Kūks nūsītis.**

Borkovas pog. Boļu s. 27. janv. mežā cārtū bolku tej krituse uz 50 godu vacu A. Broku. Kūks īvaiņojis A. Broku golvā. Citušais uz vītas beja jau miris.

**Lelas jezītu bogotības Boliviā**

Našeņ kaidam anglam nocis rūkos plans, kurā ir apzeimēta vīta, kur spā-nīšu jezīti, kād tūs padzyna nu Boliviā, ir aprokuši sovas bogotības, Bogotību vērteiba snādzūtis pi 12 mil. angļu mor-cepu. Lai bogotības atroktu, uz Boliviā izbraukuse ekspedīcija Dr. Sandersa vadībā Izrakšonas vītā atrosts pergaments un krucifiks. Pergamentā asūt breidynots bogotības naaizskart.

Izrekšonas dorbi turpinojās.

**Afganistanas karalis grib apcīmot Riegu.**

Afganistanas karala syutnis vad sarunas par karala apcīmojumu Reigai.

**Dubins izalcynoja Skujiniku uz gūdatīsu.**

Židu deputats Dubins pastostījis, kū vysu sūlijuse židim progrēstu-socialistu koalīciju, lai pīdabotu Dubinu atbalstīt jūs valdību. Tys bej. soc. valdības ministrū prezidentu Skujiniku tai sakaitynojs, ka pādejais izteicis Dubinam osus apvai-

pojumus. Par tū Dubins izalcynoja Skujiniku uz gūda tīsu, kura ari nūtīks. Sej-tīsa vel plašok atklos sabidiābai sociali-stu-progrēstu koalīciju andeles po-litiku.

**Spaidu hospītēšona atcalta.**

Ar izgl. min. prof. Tenteļa reikoju-mu atcalta obligatorisko hospītēšonu. Tū var turpnot tī, kas vēlejās. Tagad byus radzams, cik daudz pikritēju atsāras tai hospītēšonai, kuru uzspīdia socialistu — progrēstu valdību.

Pi školu programas pīrstrodošanas

un samozynošanas dorbiem jau strodoj-Skolu reformas komisijs teik porveidota. Leidz šām komisijs beja tikai socialistiski školotojo, bez autoritatīva vorda. Tagad komisijs tiks sastodita nu vysu vērziņu školotojim, tai tad uz vysdemokratisko-kim principim.

**Latgola.****Progresistus padzan pat sovā dzīmenē.**

Bēržpili 2 februāri pi baznīcas socijs agītēt par pīsētniku progrēstiem Poliņš, kurs ir ytečajs bēržpilīts, bet Reigā dzī-vodams aizgojis laimi meklēt pi progrēstīm. Viteji jaudis, zynodami, ka Poliņš ir zemnika dāls, bet aizgojis pīsētniku kalpībā, sacēla nagontu trūksni pret „arateli“ un jū pat vel „nūglīstījuši“ ar atteicīgim pīkšmažim.

**Otkon blaustos.**

Viljāni. 12. februāri Viljānūs beja isaradis progorigūs blauka „Vysku kozas slaucējs“ un Reigas krūdzinu apcīmotojs Sylanžs agītēt par progrēstīm. Pisalējis pi guļsdēsēju mojas sinas, sis „tī ajs“ kungs ar sīlikom uz lyupom steivējās pī-rodīt, cik progrēsti asūt lobī, cik gūdi-gi, cik nadzāroji un t. t. Citi vysi asūt nagūdīgi cilvāki un topēc vajagūt bolso-tikai par progrēstīm.

**13. Takūšas dareišonās.**

Ivārojūt porrunojamūs vaicojumu svareigumu, isarasāšona uz ū sapulci obli-gatoriska vysim Latg. Skūl. Centr. b-bas bīdrim.

P. S. Reizē ar ū atgodynojam cīn. Centr. Skūl. b-bas bīdrim, kuri veļ nabytu nūkortojuši bīdrū naudas imoksas

vaicojumu, ka tāda nūmokošajām personeigī vai pa postu Latg. Skūl. Centr. b-bas valdes priksādātojā. V. Seiļ. Daugavpili, Saules ilā № 1/3, valdes lūc. M. Apeļam — Rēzeknē, p. k. № 1., valdes lūc. D. I. Rūpām — Viljāni II. pak. pāmatsk., valdes lūc.


J. Turkopulam — Ludzā, Valsts Vydusskūlā un valdes sekretaram B. Spūļam — Rēzeknē, Valsts Rēzeknes Komercskūlā.

Latg. Skūl. Centr. b-bas valdes priksādātojās: V. Seiļ. Sekretars: B. Spūļs.

**Atbīdīgais redaktors —**

Saeimas deputāts F. Zeps.

Izdevējs **Latgolas Demokrātisko Zemniķu apvinība.**

**Latv. Katoļu Jaunotnes Bidribas Reigas Nūdaļa**

Svātdin 19. februāri ū. g. Tērbatas ilā 15/17, sarejkoj plašu alzgaveņa vokoru ar

**TEATRI UN KONCERTU**

Programā: 1) Luga — komedija 3 cēlīnū „Dzelvi myrūni“ vai „Siva nu vīppasaules“ 2) Koncert daļā — vairokas tautas dzīsimas izpīldīs L. K. J. Bidribas koris A. Vysocka kga vadībā.

**DEJA**

Pēc priksāsumim **VISIGA SADZEIVE**

Spēlēs nūdaļas rogu orkestris. Sokums pl. 1/2 8 vok., beigas pl. 8 reitā. Biletes nu Ls 8—1, skūlanim 50 sant., ipriķš dabujamas lasitovā, Katoļu ilā 83, dz. 60, vysi dinu un izrode dinā pi kases nu plkst. 1/26. — Uz tautysku vokoru vysi teik laipni ilyugti.

Valde.